

NÜXĨRAÜXÜ GA POPERA GA CUÁÜ ÜMATÜXÜ

Ore i tüxü maxêëxüchiga

¹ Pexcèx tanaxümatü nachiga ya Tupana Nane ya Cristu ya yima woetama marü nüxĩra yexmacü ga yexguma noxritama tauta naãne üxgu. Rü nüma rü Ore i Maxêëëruü nixĩ i naega erü nüma nixĩ i tamaã nüxü yaxuxü i Tupanachiga rü tüxü namaxêëëxü. Rü toma ga norü ngüexügü na tixügüxü, rü nüxü taxĩnüë rü toxtetümaã nüxü tadaugü rü tomêxmaã nüxü tingögügü. ² Rü yima Maxêëëruü ya Cristu rü toxü nügü nawêx. Rü nüxü tadaugü rü duüxügümaã nüxü tixu na ñuxâcü yĩxü. Rü ñuxma rü pemaã rü ta nüxü tixuchiga ya yima Cristu ya tüxna naxâcü i maxü i taguma gúxü. Rü noxri rü Nanatüxütawa nayexma, natürü ñoma ga naãnewa nangu rü toxcèx nangox. ³ Rü yema toma nüxü tadaugüxü rü nüxü taxĩnüëxü rü pemaã nüxü tixu na tomücügü pixügüxüçèx, ngêxgumarüü i toma na Tanatü ya Tupana rü Nane ya Ngechuchu ya Cristumücügü tixügüxürrüü. ⁴ Rü ngêmacèx pexcèx tanaxümatü i ñaã ore na wüxigu aixcümamaxüchi itaãëgüxüçèx.

Ñoma ngóonexürrüü name ya Tupana

⁵ Rü ñaã nixĩ ga ore ga tomaã nüxü yaxuxü ga Ngechuchu ya Cristu. Rü pemaã nüxü tixu na ñoma ngóonexürrüü namexü ya Tupana, rü nawa

rü nataxuma i chixexü i ñoma éānexürüü ixixü, rü bai i íraxü. ⁶ Rü ngëxguma chi:

“Tanatü ya Tupanamücügü tixigü”, ñagügu, natürü chixri imaxëgu, rü tidoraemare erü tama aixcüma meā tamaxë. ⁷ Rü ngëxguma chi Tupanarüü ngóonexüwa imaxëgu, rü yigümücügü tixigü i yixema, rü Tupana Nane ya Ngechuchu rü nagümaā tüxü inayanatauxëë i guxüma i tórü chixexü. ⁸ Ngëxguma chi nüxü ixuxgu rü:

“Changearü pecaduāx”, ñagügu, rü yigütama tawomüxëë, rü tidoraemare. ⁹ Natürü ngëxguma chi Tupanamaā nüxü ixuxgu i tórü pecadugü, rü nüma tüxü nüxü nangechaü rü tüxü inayanatauxëë i guxüma i tórü chixexü, erü nüma rü mecü nixi rü taguma tüxü nawomüxëë. ¹⁰ Natürü ngëxguma chi:

“Tangearü pecaduāxgü”, ñagügu, rü doratëex nüxü tawogü ya Tupana rü tama aixcüma tawa nangëxma i norü ore.

2

Cristu rü tórü chogüruü nixi

¹ Pa Chauxacügüx, pexcëx chanaxümatü i ñaā ore na tama chixexü pexügüxücëx. Natürü ngëxguma chi wüxie chixexü üxgu, rü nangëxma ya tümaëtüwa chogücü nüxna ya Tanatü ya Tupana na tama tüxü napoxcuxücëx. Rü yima nixi ya Ngechuchu ya Cristu ya aixcüma mecü ixicü. ² Rü guma Ngechuchu ya Cristu rü nügü inaxā rü nayu na naxütanüāxücëx ga tórü pecadugü. Rü tama tórü pecadugüxicatama naxütanü, natürü guxüma i duüxügüarü pecadugü ta naxütanü. ³ Rü ngëxguma

chi naga ixĩnũegu i ngẽma tũxũ namuxũ ya Tupana, rũ nũxũ tacuèx na aixcũma nũxũ icuáxũ.

⁴ Rũ ngẽxguma chi wũxie:

“Choma rũ Tupanaxũ chacuèx”, ñagũgu, natürũ tama naga taxĩnũgu i ngẽma tũxũ namuxũ ya Tupana, rũ wũxi i doratèxáxũ tixĩ. ⁵ Natürũ yĩxema naga ñnũxẽ i ngẽma tũxũ namuxũ ya Tupana, rũ aixcũmaxũchi Tupanaxũ tangechaũ. Rũ ngẽmawa nũxũ tacuèxgũ na aixcũma Tupanaãrũ duũxũgũ ixĩgũxũ. ⁶ Rũ yĩxema:

“Tupanaãrũ duũxũ chixĩ”, ñagũxe, rũ name nixĩ na meã tamaxũxũ yema Ngechuchu ya Cristu meã maxũxũrũ.

Tupanaãrũ mu i ngexwacaxũxũchiga

⁷ Pa Chaueneẽgũx, tama wũxi i ngexwacaxũxũ i Tupanaãrũ mu nixĩ i pexcèx chaxũmatũxũ. Natürũ ñaãtama noxriarũ ügũgumama pexũ yexmaxũ ga mu nixĩ. Rũ ñaãtama nixĩ i Tupanaãrũ mu ga nuxcũmaũxũ ga marũ nũxũ pexĩnũxũ. ⁸ Natürũ ñaã Tupanaãrũ mu i pexcèx chaxũmatũxũ rũ guxũguma nangexwacaxũ. Rũ ngẽxguma naga pexĩnũegu i ñaã Tupanaãrũ mu na pegũ pengechaũgũxũ, rũ tama ããnexũwatama pemaxẽ, natürũ Cristurũ ngẽma ngóonexũ i aixcũma ixĩxũwa pengẽxmagũ. ⁹ Rũ ngẽxguma chi wũxie:

“Choma rũ ngẽma ngóonexũwa changẽxma”, ñagũgu, natürũ tũmaẽneẽchi taxaixgu, rũ ããnexũwatama tangẽxma. ¹⁰ Yĩxema tũmaẽneẽxũ ngechaũxẽ rũ ngóonexũwa tamaxũ, rũ taxucèxma tũxcũũ pecadu taxũ. ¹¹ Natürũ yĩxema tũmaẽneẽchi aixe, rũ ããnexũwatama tamaxũ, rũ ããnexũgu tixũ. Rũ tama nũxũ tacuèx na ngextá taxũxũ, erũ

tümacèx naxëãne. ¹² Pa Chauxacügüx, pexcèx chanaxümatü erü Cristugagu Tupana marü pexü nüxü nangechaü i perü pecadugü. ¹³ Pa Papágüx, pexcèx chanaxümatü i ñaã ore erü nüxü pecuèxgü ya Tanatü ya Tupana ga noxriarü ügügumama yexmacü. Pa Ngextüxcügüx, pexcèx chanaxümatü erü marü nüxü perüyexera i ngëma ngoxo i Chataná i chixexüärü üruü. ¹⁴ Pa Buxügüx, pexcèx chanaxümatü erü marü nüxü pecuèxgü ya Tanatü ya Tupana. Pa Papágüx, pexcèx chanaxümatü erü marü nüxü pecuèxgü ya Tanatü ya Tupana ga noxriarü ügügumama yexmacü. Pa Ngextüxcügüx, pexcèx chanaxümatü erü peporae, rü guxüguma peãewa nangëxma i Tupanaärü ore, rü marü nüxü perüyexera i ngëma ngoxo i Chataná i chixexüärü üruü. ¹⁵ ;Tãxü i pexü nangúchaüxü i ñoma i naãne rü norü ngëmaxügü! Ngëxguma chi texéaxü nangúchaügu i ñoma i naãne rü tama Tanatü ya Tupanaxü tangechaü. ¹⁶ Erü guxüma i ngúchaügu i ñoma i naãnewa ngëxmaxü rü ñoma i naãneärütama nixi rü tama Tupanaärü nixi. Rü ngëma ngúchaügu rü ngëma nixi i taxüneärü ngúchaügu, rü taxetüarü ngúchaügu, rü yigü na icuèxüügüxü tórü ngëmaxügümaã. ¹⁷ Natürü ñoma i naãne rü guxüma i ngúchaügu i nawa ngëxmaxü rü tá nagux. Natürü yixema Tupanaga inüxë rü guxügutama tamaxü.

Ore i aixcüma ixixüchiga rü ore i dora ixixüchiga

¹⁸ Pa Chauxacügüx, paxa tá nagux i ñoma i naãne. Pema rü marü nüxü pexinüchiga rü tá inangu i wüxi i Cristuarü uwanü, natürü marü inangugü i muxüma. Rü ngëmawa nüxü tacuèx na marü

nagúxchaũxũ i ñoma i naãne. ¹⁹ Rũ ngẽma Cristuarũ uwanũgũ rũ tatanũwatama nangẽxmagũchirẽx, natürũ tama aixcũma tatanũxũ nixĩgũ, erũ ngẽxguma chi tatanũxũ yixĩgũgu rũ tatanũgu chitama narũcho. Natürũ marũ tatanũwa ínachoxũ na meãma nũxũ icuáxũcèx na tama aixcũma tatanũxũ yixĩgũxũ. ²⁰ Natürũ pema rũ Cristu marũ pexna nanamu i Naãe i Üünexũ, rũ ngẽmacèx meãma nũxũ pecuèx i Tupanaãrũ ore. ²¹ Rũ ñuxma rũ tama nixĩ na tama nũxũ pecuáxũcèx na pexcèx chaxũmatũxũ. Natürũ pexcèx chanaxũmatũ erũ marũ meãma nũxũ pecuèx i ngẽma ore i aixcũma ixĩxũ. Rũ nũxũ pecuèx rũ ngẽma ore i aixcũma ixĩxũwa rũ nataxuma i dora. ²² ¿Texé tiĩxũ ya yíxema idoratèxáxe? Yíxema:

“Ngechuchu rũ tama aixcũma Cristu ya Tupana Nane nixĩ”, ñagũxe, tixĩ ya idoratèxáxe. Yíxema tixĩ ya Cristuarũ uwanũ, erũ tama nũxũ tacuáxchaũ ya Tanatũ ya Tupana rũ Nane ya Ngechuchu. ²³ Guxãma ya yíxema tama nũxũ cuáxchaũxẽ ya Tupana Nane ya Ngechuchu, rũ tama nũxũ tacuáxchaũ ta ya Tanatũ ya Tupana. Natürũ yíxema Ngechuchuaxũ yaxõxẽ, rũ Tanatũ ya Tupanaãxũ rũ ta tayaxõ. ²⁴ Rũ ngẽmacèx name nixĩ i peyaxõgũama i ngẽma ore ga noxri nũxũ pexĩnũèxũ. Rũ ngẽxguma peyaxõgũamagu i ngẽma ore ga noxri nũxũ pexĩnũèxũ, rũ aixcũma norũ duũxũgũ pixĩgũ ya Tanatũ ya Tupana rũ Nane ya Ngechuchu. ²⁵ Rũ nümatama ya Ngechuchu ya Cristu nixĩ i tamaã inaxunetaxũ na tũxna naxããxũcèx i maxũ i taguma gúxũ. ²⁶ Nangẽxma i duũxũgũ i chixexũwa pexũ gagũchaũxũ. Rũ ngẽmachiga nixĩ i pexcèx chanaxũmatũxũ i ñaã ore.

²⁷ Natürü pema rü marü Cristu pexna nanamu i Naãe i Üünexŭ, rü guxŭguma pewa nangẽxma. Rü ngẽmacèx tama penaxwèxe i to i perü ngúexẽẽxŭ erü nümatama i Naãe i Üünexŭ rü pexŭ nangúexẽẽ i guxŭma. Rü norü nguxẽẽtae rü aixcüma nixĩ rü tama dora nixĩ. Rü ngẽmacèx name nixĩ na guxŭguma Cristuaxŭ peyaxõgŭxŭ, ngẽma Naãe i Üünexŭ pexŭ ngúexẽẽxŭãcüma. ²⁸ Rü ñuxmax, Pa Chauzacügŭx, rü name nixĩ na meãma Cristuaxŭ peyaxõgŭxŭ na tama nüxŭ imuũẽxücèx, rü tama ixãneẽxücèx napẽxewa i ngẽxguma wena nuã naxŭxgu. ²⁹ Pema nüxŭ pecuèx na Cristu rü aixcüma mecü yĩxŭ. Rü ngẽxgumarüŭ ta name nixĩ na nüxŭ pecuáxŭ na guxŭma i duũxŭgü i mexŭ ügŭxŭ rü Tupanaxãcügü na yixĩgŭxŭ.

3

Tupanaxãcügüchiga

¹ ;Dücèx, Pa Chaueneẽgŭx, ñuxãcü poraãcü tüxŭ nangechaŭ ya Tanatü ya Tupana! Rü ngẽmacèx nixĩ i naxãcügümaã tüxŭ naxuxŭ i nümax. Rü aixcüma naxãcügü tixĩgü. Rü ngẽmacèx ñoma i naãnecŭãx i duũxŭgü rü tama tüxŭ nacuáxchaŭ erü Tupanaxŭ rü ta tama nacuáxchaŭgü. ² Pa Chaueneẽgü ya Pexŭ Changechaŭgŭxe, ñuxma rü marü Tupanaxãcügü tixĩgü woo tama tüxŭ nüxŭ nacuèxẽẽ na ñuxãcü tá ixĩgŭxŭ i yixcúra. Natürü nüxŭ tacuèxgü na Ngechuchurüŭ tá ixĩgŭxŭ i ngẽxguma nangoxgu, erü tá nüxŭ tadaugü na ñuxãcü yĩxŭ i nümax. ³ Rü guxãma ya yixema yaxõxẽ na Ngechuchurüŭ tá tiĩxŭ, rü tügüna tadau na Ngechuchu ya Cristurüŭ

aixcūma Tupanapēxewa tamexū. ⁴ Natürü guxāma ya yíxema pecadu ūxe, rü Tupanamaā chixexū taxū. Erü ngēxguma tama Tupanaga taxīnūgu, rü tapecaduāx. ⁵ Pema nūxū pecuēx rü Ngechuchu ya Cristu rü ñoma ga naānewa naxū na iyanaxoxēēāxūcēx i tórü pecadugū. Rü nūma rü taguma pecadu naxū. ⁶ Rü ngēmacēx guxāma ya yíxema aixcūma nūxū yaxōgūxe, rü tama pecadu taxūgūecha. Natürü guxāma ya yíxema pecadu ūechaxe, rü ngēmaācū tamaxē erü taguma Cristuxū tadau, rü taguma nūxū tacuēx. ⁷ Pa Chauxacūgūx, jtāxū i naga pexīnūēxū i ngēma duūxūgū i pexū iyarūtauxexēēchaūxū! Yíxema mexū ūxe rü aixcūma mecū tixī, ngēxgumarūŷ ya Cristu na aixcūma mecū yiīxūrūŷ. ⁸ Natürü yíxema pecadu ūechaxe rü ngēmawa tūxū tacuēx na Chatanáārū duūxū tiīxū, erü nūma i Chataná rü noxriarū ūgūgumama pecadu naxūecha. Rü yemacēx ga Tupana Nane rü ñoma ga naānewa naxū na iyanaxoxēēāxūcēx ga yema Chataná ūxū. ⁹ Rü yíxema Tupanaxācū ixīxē rü tama pecadu taxūecha, erü naxācūxūchi tixī. Rü taxuacūma pecadu taxūecha erü Tupana nixī ya tūmanatū. ¹⁰ Yíxema chixexū ūxe rü tūmaēneēchi aixe, rü tama Tupanaxācū tixī. Rü ngēmawa nūxū tacuēx na texé tixīgūxū ya Tupanaxācūgū rü texé tixīgūxū ya Chatanáxācūgū.

Name nixī na yigū ingechaūgūxū

¹¹ Rü yexguma noxritama pexū tangūexēēgu, rü pemaā nūxū tixu na guxāma yigū ingechaxūgūxū.

¹² Rü tama tanaxwēxe na Caīrūŷ ngoxo i Chatanáxācū ixīgūxū. Yerü nūma rü naēneēxū

nimèx. ¿Rü tacüçèx nixĩ ga yamáãxũ? Nayamèx yerü yema nüma naxüxũ rü tama name, rü yema naēneē üxũ rü name. ¹³ Pa Chaueneēgüx, jtãxũ i pebaixãchiãēgüxũ ega pexchi naxaiegu i ñoma i naānecũãx i duũxũgũ! ¹⁴ Yixema rü marü nüxna ítanguxũ i ngēma yu rü ñuxma rü marü maxüwaama tangēxmagü. Nüxũ tacuèxgü i ngēma erü nüxũ tangechaũgü i taeneēgü. Yixema tama tumaēneēxũ ngechaũxê rü yuwatama tangēxma. ¹⁵ Rü yixema tumaēneēchi aixe rü wüxi i máētaxürü tixĩ. Rü pema nüxũ pecuèxgü i wüxi i máētaxũ rü nüxũ nataxuma i norü maxũ i taguma gúxũ. ¹⁶ Rü Ngechuchu ya Cristu rü tórü pecaducèx nayu, rü yemaãcü tüxũ nüxũ nadauxêē i ngēma ngechaũ i aixcüma ixĩxũ. Rü ngēxgumarüũ ta i yixema, rü tanaxwèxe na ímemarexũ na nüxũ rüngüxêēxũ i taeneēgü woo ngemagu iyuxgu. ¹⁷ Natürü ngēxguma chi wüxi i yatüãxũ nangēxmagu i muxũma i norü ngēmaxũgü, rü chi nüxũ nadèuxgu i namücü na nüxũ nataxuxũ, rü taxuacüma:

“Choma rü Tupanaxũ changechaũ”, ñanagürü, ega tama nüxũ nangüxêēgu i namücü. ¹⁸ Pa Chauxacügüx, tama name i taèxmaã rü tórü ore-maãxĩcatama nüxũ tangechaũ i taeneē. Natürü tanaxwèxe i tórü maxũmaã rü tórü ü i mexũmaã nüxũ tangechaũ.

Tama taxãneē na Tupanana ingaicamagüxũ

¹⁹⁻²⁰ Rü ngēxguma aixcüma yigü ingechaũgügu, rü nüxũ tacuèx na aixcüma naga ixĩnüēxũ i ngēma ore i aixcüma ixĩxũ, rü Tupanapēxewa rü aixcüma naxãcügü ixĩgüxũ, woo ngēxguma taãēwa nagu rüxĩnügu rü:

“Tama Tupanaxâcü chixĩ”, ñagügu. Erü nüxü tacuèx rü Tupana nixĩ i taãêârü yexera, rü nüma nüxü nacuèx i guxüma. ²¹ Pa Chaueneëgü ya Pexü Changechaügüxex, ngëxguma taãêwa nüxü icuèxgu na Tupanaxâcüxüchi ixîgüxü, rü tama taxãneë na nüxna ingaicamagüxü ya Tanatü ya Tupana. ²² Rü nüma tá tüxna nanaxã i guxüma i tacü i naxcèx íicaxü erü naga taxînüë i ngëma tüxü namuxü rü tanaxü i ngëma nüma namaã nataãëxü. ²³ Rü nüma tüxü namu na Nane ya Ngechuchu ya Cristuaxü yaxôgüxü rü yigü ingechaügüxü, yema nüma tüxü namuxüâcü. ²⁴ Rü yîxema naga înüëxë i ngëma Tupana tüxü muxü, rü aixcüma Tupanaârü duüxügü tixîgü rü nüma ya Tupana rü aixcüma tümawa namaxü. Rü ñuxma rü nüxü tacuèx na aixcüma Tupanaârü duüxügü ixîgüxü rü tawa namaxüxü, erü Naãë i Üünexü ga tüxna namuxü tüxü nüxü nacuèxëë.

4

Yîxema tüxü nangëxmaxë i Tupanaãë i Üünexü rü yîxema tüxü nangëxmaxë i Cristuarü uwanüãë

¹ Pa Chaueneëgü ya Pexü Changechaügüxex, ¡Tãxü i nüxü peyaxôgüxü i guxüma i orearü uruügü i nügü ixugügüxü na aixcüma Tupanaârü orearü uruügü yixîgüxü! Natürü name nixĩ i penangugü i norü ore na nüxü pecuáxüçèx ngoxita aixcüma Tupanaãë yîixü i nawa idexaxü rü êxna tama. Erü ñoma i naãnewa rü guxüwama nangëxma i muxüma i idorateèxgüxü i nügü ixugüxü na Tupanaârü orearü uruügü yixîgüxü.

² Rü tá pemaã nüxü chixu na ñuxâcü tá nüxü

pecuáxŭ na texé tiŭxŭ ya yíxema aixcüma Tupanaãe tŭmawa ngẽxmaxẽ. Rŭ dücax, guxŭma i orearŭ uruŭgŭ i nüxŭ ixugŭxŭ na Tupana duŭxŭxŭ yaxixẽẽxŭ ya Ngechuchu ya Cristu, rŭ ngẽma nixĩ i aixcüma Tupanaãe nawa idexaxŭ. ³ Natürŭ guxŭma i ngẽma orearŭ uruŭgŭ i tama nüxŭ ixugŭxŭ na Tupana duŭxŭxŭ yaxixẽẽxŭ ga Ngechuchu, rŭ ngẽma rŭ tama nüxŭ nangẽxma i Tupanaãe i Üünexŭ. Natürŭ Cristuarŭ uwanüãe nixĩ i nawa ngẽxmaxŭ. Marŭ nüxŭ pexĩnüe na ínanguxchaŭxŭ i Cristuarŭ uwanü, natürŭ ñuxma rŭ marŭ ñoma i naãnewa nangẽxma. ⁴ Pa Chaux-acügŭx, pema rŭ Tupanaxãcügŭ pixigŭ. Rŭ marŭ nüxŭ perüyexera i ngẽma tama aixcüma Tupanaärŭ orearŭ uruŭgŭ ixigŭxŭ. Erŭ ngẽma Tupanaãe i Üünexŭ i peãewa ngẽxmaxŭ rŭ nüxŭ narüyexera i ngẽma Cristuarŭ uwanüãe i ñoma i naãnecŭãxgŭwa ngẽxmaxŭ. ⁵ Rŭ nüma i Cristuarŭ uwanüärŭ duŭxŭgŭ rŭ ñoma i naãnecŭãxgŭ nixĩ. Rŭ ngẽmacèx ñoma i naãnechigagu nĩdex-agŭ. Rŭ ñoma i naãnecŭãx i duŭxŭgŭ rŭ nüxŭ inarüxĩnü. ⁶ Natürŭ i yixema rŭ Tupanaxãcügŭ tixigŭ. Rŭ yíxema Tupanaxŭ cuáxe rŭ tüxŭ itarüxĩnü. Natürŭ yíxema tama Tupanaxŭ cuáxe rŭ tama tüxŭ itarüxĩnü. Rŭ ngẽmawa nüxŭ tacuèxgŭ na texé tixigŭxŭ ya aixcüma Tupanaärŭ duŭxŭgŭ ixigŭxe rŭ texé tixigŭxŭ ya Cristuarŭ uwanüärŭ duŭxŭgŭ ixigŭxe.

Tupana tüxŭ nangechaŭ

⁷ Pa Chaueneẽgŭ ya Pexŭ Changechaŭgŭxex, name nixĩ na yigŭ ingechaŭgŭxŭ, erŭ Tupana nixĩ ya tüxŭ ngúexẽẽcü na yigŭ ingechaŭgŭxŭ. Rŭ

guxãma ya yíxema tũmaẽneẽxũ ngechaũxẽ rü Tupanaxãcü tixĩgũ rü Tupanaxũ tacuèx. ⁸ Yíxema tama tũmaẽneẽxũ ngechaũxẽ rü tama Tupanaxũ tacuèx, erü Tupana nixĩ ya tũxũ ngúexẽẽcü na yigũ ingechaũgũxũ. ⁹ Tupana rü ñoma ga naãnewa nanamu ga Nane ya nũgũmaã wũxicacü na yimagagu tũxũ nangẽxmaxũcèx i maxũ i taguma gúxũ. Rü yemawa Tupana tũxũ nũxũ nadauxẽẽ na ñuxãcü tũxũ nangechaũxũ. ¹⁰ Rü woo Tupanaxũ tangechaũgũ, natürü ngẽma ngechaũ i guxũãrũ yexera ixĩxũ nixĩ na nũma tũxũ nangechaũxũ rü ñoma ga naãnewa na namuãxũ ga Nane na taxcèx nayuxũcèx rü naxütanũãxũcèx ga tórü pecadugũ. ¹¹ Pa Chaueneẽgũ ya Pexũ Changechaũgũxex, yexguma yemaãcü tũxũ nangechaũgu ga Tupana, rü ngẽmacèx name nixĩ i yixema rü ta yigũ tangechaũgũ. ¹² Taguma texé Tupanaxũ tadau. Natürü ngẽxguma aixcũma yigũ ingechaũgũgu, rü Tupana rü tawa namaxũ rü norü ngechaũ rü aixcũmaxũchi tórü maxũwa nangox. ¹³ Rü nũma rü marü tũxna nanamu ga Naãẽ i Üünexũ. Rü ngẽmawa nũxũ tacuèx na aixcũma norü duũxũgũ ixĩgũxũ rü nũma rü tawa na namaxũxũ. ¹⁴ Rü tomatama nũxũ tadaugũ rü nũxũ tixuchigagũ na Tanatü ya Tupana núma namuxũ ga Nane na guxũma i duũxũgũxũ namaxẽẽxũcèx. ¹⁵ Rü yíxema yaxõxẽ rü nũxũ ixuchigaxe na Tupana Nane yĩxũ ya Ngechuchu, rü aixcũma Tupanaãrũ duũxũ tixĩ, rü Tupana rü tũmawa namaxũ. ¹⁶ Rü yixema nũxũ tacuèxgũ rü tayaxõgũ na Tupana rü poraãcü tũxũ nangechaũxũ, erü nũma nixĩ i aixcũma guxãxũ nangechaũxũ. Rü yíxema aixcũma

tümaëneëxũ ngechaũxẽ, rü Tupanaãrũ duũxũ tixĩ,
rü nüma ya Tupana rü aixcũma tũmawa namaxũ.

¹⁷ Rü ngẽxguma aixcũma Tupanaxũ ingechaũgũgu,
rü tórũ maxũwa nangox i ngẽma, rü tãũtãma nüxũ
tamuũẽ i ngẽma ngunexũ i nagu tüxũ yacagũxũgu
naxcèx i tórũ maxũ. Erũ woo ñoma i naãnewa
tangẽxmagũ, natürũ napẽxewa rü Cristurũ tixĩgũ.

¹⁸ Rü ngẽxguma aixcũma Tupanaxũ ingechaũgũgu,
rü nüxũ tacuèx na tãũtãma tüxũ napoxcuexũ,
rü ngẽmacèx taxucèxma nüxũ tamuũẽ. Natürũ
ngẽxguma chi nüxũ imuũẽgu, rü nüxũ tacuèx na
tama aixcũma nüxũ ingechaũgũxũ. ¹⁹ Rü yix-
ema rü Tupanaxũ tangechaũgũ, yerũ nüxĩra tüxũ
nangechaũ ga nümax. ²⁰ Ngẽxguma chi texé:

“Choma rü Tupanaxũ changechaũ”, ñagũgu,
natürũ tümaëneëchi taxaixgu, rü tidora. Erũ
ngẽxguma tama nüxũ tangechaũgu i tümaëneë i
nüxũ tadauxũ ¿rü ñuxũcürũwa tá nüxũ tangechaũ
ya Tupana ya tama nüxũ tadaucũ? ²¹ Rü
Ngechuchu ya Cristu tüxũ namu rü ñanagürũ:

“Yíxema Tupanaxũ ngechaũxẽ, rü name nixĩ na
tümaëneëxũ rü ta tangechaũxũ”,
ñanagürũ.

5

Nüxũ tarüyexera i ñoma i naãneãrũ ngúchaũgũ

¹ Ngechuchu rü Tupana Nane ya Cristu nixĩ. Rü
guxãma ya yíxema nüxũ yaxõxẽ, rü Tupanaxãcũ
tixĩgũ. Rü yíxema Tanatũ ya Tupanaxũ ngechaũxẽ,
rü nüxũ tangechaũ ta i guxũma i naxãcũgũ. ² Rü
ngẽxguma Tupanaxũ ingechaũgũgu rü naxũxgu i
ngẽma nüma tüxũ namuxũ, rü nüxũ tacuèx na

aixcūma nüxŭ ingechaŭgüxŭ i ngēma naxăcügŭ ixīgüxŭ. ³ Rŭ ngēxguma aixcūma Tupanaxŭ ingechaŭgügu rŭ naga taxĭnŭē i ngēma tŭxŭ namuxŭ. Rŭ ngēma tŭxŭ namuxŭ rŭ tama naguxcha na naga ixĭnŭēxŭ. ⁴ Erŭ guxāma ya aixcūma Tupanaxăcŭ ixĭxē, rŭ tama ñoma i naăneărŭ ngŭchaŭ i chixexŭgu tarŭxĭnŭ. Rŭ yixema rŭ tayaxôgŭ, rŭ ngēmacèx tama name i ñoma i naăneărŭ ngŭchaŭ i chixexŭgu tarŭxĭnŭē. ⁵ Rŭ yĭxema yaxôxē na Tupana Nane yĭxŭ ya Ngechuchu, rŭ yĭxema tixĭ ya tama ñoma i naăneărŭ ngŭchaŭ i chixexŭgu rŭxĭnŭxē.

Ore i Tupana Nanechiga

⁶ Rŭ nüxŭ tacuèx na aixcūma Tupana Nane yĭxŭ ya Ngechuchu. Yerŭ yexguma ñoma ga naănewa nayexmagu rŭ dexáwa ĩnabaiegu, rŭ nŭmatama ga Tupana nüxŭ nixu na Nanexŭchi yĭxŭ. Rŭ yexguma curuchagu nayuxgu rŭ nagŭ ĩnabaăgu ga Ngechuchu, rŭ Tupana rŭ wenaxărŭ ĩnanawēx na aixcūma Nane na yĭxŭ. Rŭ ngēxgumarŭ ta i ngēma Naăē i Ŭĭnexŭ i taguma idoraxŭ, rŭ tŭxŭ nüxŭ nacuèxēē na aixcūmaxŭchi Tupana Nane na yĭxŭ. ⁷ Rŭ ngēmaăcŭ tŭxŭ nangēxma i tomaēxpŭx i cuèxruŭgŭ i tŭxŭ nüxŭ cuèxēēxŭ na aixcūma Tupana Nane yĭxŭ ya Ngechuchu. ⁸ Rŭ ngēma norŭ wŭxi nixĭ i Naăē i Ŭĭnexŭ, rŭ ngēma norŭ taxre nixĭ ga yema Tupanaga ga yexguma Ngechuchu dexáwa ĩbaiegu, rŭ ngēma norŭ tomaēxpŭx nixĭ ga yema Tupana ŭxŭ ga yexguma curuchagu nagŭ ĩnabaăgu ga Ngechuchu. Rŭ guxŭma i ngēma tomaēxpŭx, rŭ wŭxigu nüxŭ nixu na aixcūma Tupana Nane yĭxŭ ya Ngechuchu. ⁹ Nŭxŭ tayaxôgŭ

i duũxũgũ ega ƭacũxũ tamaã yaxugũgu. Natũrũ Tupanaãrũ ore nixĩ i yexeraãcũ aixcũmaxũchi ixĩxũ. Rũ Tupana nixĩ ya tamaã nüxũ ixucũ na Ngechuchu rũ Nane yĩxũ. ¹⁰ Rũ yĩxema nüxũ yaxõxẽ ya Tupana Nane rũ nüxũ tacuèx na aixcũma yĩxũ i ngẽma ore i Tupana nüxũ ixuxũ i Nanechiga. Natũrũ yĩxema tama Tupanaãxũ yaxõxẽ rũ doratèèx nüxũ tawogũ ya Tupana erũ tama tayaxõ i ngẽma ore i Tupana nüxũ ixuxũ i Nanechiga. ¹¹ Rũ ñaã nixĩ i norũ ore ya Tupana i tamaã nüxũ yaxuxũ, rũ ñanagũrũ:

“Chomatama marũ pexna chanaxã i maxũ i taguma gũxũ. Rũ ñaã maxũ rũ Chaunegagu pexũ nangẽxma”,

ñanagũrũ. ¹² Yĩxema nüxũ yaxõxẽ ya Tupana Nane rũ tüxũ nangẽxma i ngẽma maxũ i taguma gũxũ. Natũrũ yĩxema tama nüxũ yaxõxẽ ya yima Tupana Nane rũ tama tüxũ nangẽxma i ngẽma maxũ.

Cuáũ rũ ñuxre ga norũ ucuxẽmaã inayacuèxẽẽ ga norũ popera

¹³ Pa Chaueneẽgũx ya Tupana Naneãxũ Yaxõgũxex, pexcèx chanaxũmatũ i ñaã ore na nüxũ pecuáxũcèx na pexũ nangẽxmaxũ i ngẽma maxũ i taguma gũxũ. ¹⁴ Rũ ngẽmacèx tama taxãneẽ na nüxna ingaicamagũxũ ya Tupana. Rũ nüxũ tacuèxgũ ega ƭacũcèx nüxna icaxgu, rũ nüma tüxũ naxĩnũ i ngẽxguma norũ ngúchaũ yixĩgu i ngẽma naxcèx nüxna icaxũ. ¹⁵ Rũ ngẽxguma nüxũ icuèxgu na nüma tüxũ naxĩnũxũ i ngẽxguma ƭacũcèx nüxna icaxgu, rũ nüxũ tacuèx ta na tüxna naxããxũ i ngẽma naxcèx nüxna icaxũ. ¹⁶ Rũ ngẽxguma chi texé nüxũ dèuxgu i tũmaẽneẽ na pecadu naxũxũ,

rü name nixĩ na naxcèx tayumüxèxũ ega tama pecadu i iyanatauxẽẽxũ yixĩgu. Rü Tupana tá nanamaxẽẽ i ngẽma tũmaẽneẽ ega tama pecadu i iyanatauxẽẽxũ yixĩgu. Nangẽxma i pecadu i tũxũ iyarũtauxẽẽxũ. Rü ngẽxguma ngẽma pecaduwe naxũãmagu i wũxi i peeneẽ, rü tama pemaã nüxũ chixu na naxcèx peyumüxẽgũxũ. ¹⁷ Guxũma i chixexũ i ixũxũ, rü pecadu nixĩ. Natürü nangẽxma i pecadu i tama tũxũ iyarũtauxẽẽxũ. ¹⁸ Rü nüxũ tacuèx, rü yĩxema Tupanaxãcü ixĩxẽ, rü tama pecadu taxüecha, erü nüma ya Tupana Nane rü tũxna nadau. Rü taxuacüma tũxna nangaicama i ngoxo i Chataná i tũxũ pecaduãxẽẽchaũxũ. ¹⁹ Nüxũ tacuèxgũ na Tupanaxãcügũ ixĩgũxũ, natürü guxũma i ñoma i naãnecũãx rü ngoxo i Chatanámxẽewa nangẽxmagũ. ²⁰ Rü nüxũ tacuèx ta na ñoma ga naãnewa nanguxũ ga Tupana Nane, rü tũxna nanaxã ga cuèx na nüxũ icuèxgũxũcèx ya yima aixcũmaxũchi Tupana ixĩcü. Rü norü duũxũgũ tixĩgũ ya yima aixcũmaxũchi Tupana ixĩcü, erü Nane ya Ngechuchu ya Cristuarü duũxũgũ tixĩgũ. Rü nüma ya Tupana Nane nixĩ i aixcũmaxũchi Tupana yĩxũ rü tũxna naxããxũ i maxũ i taguma gũxũ. ²¹ Pa Chauxacügũx, ¡Pegũna pedaugũ na tama nüxũ peyaxögũxũcèx i tupanachicügũ! Rü ngẽxĩcatama nixĩ i chorü ore i pemaã nüxũ chixuxũ.

Rü nuãma pexna,
Cuáũ

**Tupanaarü Ore i Tórü Cori ya Ngechuchu ya
Cristuchiga
New Testament in Ticuna (PE:tca:Ticuna)**

copyright © 2008 Wycliffe Bible Translators, Inc.

Language: Ticuna

Translation by: Wycliffe Bible Translators, Inc.

Ticuna

tca

Peru

Copyright Information

© 2008, Wycliffe Bible Translators, Inc. All rights reserved.

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

The New Testament

in Ticuna

© 2008, Wycliffe Bible Translators, Inc. All rights reserved.

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2014-04-30

PDF generated using Haiola and XeLaTeX on 11 Nov 2022 from source files dated 29 Jan 2022

9d5dc22a-30be-5d26-85a9-76047f4c89e6